

Život(opis)

Muhammeda, s.a.v.s.

1.

Rođenje // 570. godine

Muhammed, s.a.v.s., sin 'Abdullāha i Amine, rođen je u uglednoj mekkanskoj porodici Benū Hāšim 570. godine. Bilo je to u mjesecu rebi'u-l-evvelu. Njegov otac 'Abdullāh umro je prije njegovog rođenja.

6.

Gubitak majke Amine // 576. godine

Āmina, kćerka Vehba, umrla je kada je Muhammed, a.s., imao 6 godina. Nakon smrti majke, brigu o Muhammedu, a.s., preuzima njegov djed po ocu 'Abdulmuttalib koji je tada imao preko 100 godina, a koji umire 578. godine kada Muhammed, a.s. ima 8 godina. Sve do ženidbe 595. godine bit će u okrilju i pod zaštitom amidže Ebū Tāliba.

12.

Putovanje u Siriju // 582. godine

Kada je Muhammed, a.s., imao 12 godina putovao je u Siriju s amidžom Ebū Tālibom i jednom trgovačkom karavanom. Zaustavili su se u blizini boravišta kršćanskog isposnika po imenu Behira koji je prepoznao neke znakove (budućeg) poslanstva Muhammeda, a.s. U Siriju putuje i 595. godine kada ga je hazreti Ĥadīdža, ugledna mekkanška trgovkinja, šalje u Bursu (Sirija) radi trgovine.

25.

Brak sa hazreti Ĥadīdžom, kćerkom Ĥuvejlida // 595. godine

Kada je Muhammed, s.a.v.s., imao 25 godina stupio je u brak sa hazreti Ĥadīdžom (Ĥatidžom), kćerkom Ĥuvejlida. Njihova djeca su: dva sina- Kāsima i 'Abdullāha i četiri kćerke: Zejneb, Rukajju, Ummi Kulsūm i Fātimu.

35.

Obnova Ka'be // 605. godine

Oko pet godina prije početka poslanstva Muhammeda, a.s., kada je on imao 35 godina, Kurejšije su odlučili obnoviti Ka'bu. Muhammedu, s.a.v.s., pripala je čast da Crni kamen (hadžeru-l-esved) postavi na njegovo mjesto.

Prva objava // mjesec ramazan 610. godine

Tragajući za istinom i osamljujući se u pećini Hira, nedaleko od Mekke, Muhammedu, s.a.v.s., dolazi melek Džibril po(d)učavajući ga prvim ajetima Časne Knjige. Bili su to ajeti kur'anske sure El-Alek.

40.

Početak javnog pozivanja u islam // 613. godine

Od ovog trenutka poruka islama bila je upućena svima, a poslanička misija je ušla u potpuno novu fazu. Period tajnog pozivanja u vjeru i pozivanja rodbine u islam, dakle do naredbe o njenom javnom obnanzivanju, trajao je tri godine.

43.

Seobe muslimana u Abesiniju // 615. i 616. godine

Nakon intenziviranja progona, mučenja i zlostavljanja muslimana u Mekki od strane mušrika (mnogobožaca), Muhammed, a.s., predložio je da se najranjiviji isele kod pravednog kralja u Abesiniju (Etopiju). Bila je to prva hidžra (seoba) u islamu. Druga seoba muslimana iz Mekke u Abesiniju dogodila se 616. godine, pod vodstvom Džafera ibn Ebi Tāliba.

47.

Sveopći bojkot i izolacija muslimana // 616/17. - 619. godine

Sveopći bojkot predstavljao je novu taktiku mekkanških mušrika nakon neuspjeha njihove deputacije u Abesiniji koja je trebala uspjeha kralja Abesinije da izruči muslimane koji su bili pod njegovom zaštitom. Nastupile su dvije-tri godine potpune izolacije i najveće oskudice za muslimane.

49.

Godina tuge // 619/20. godine

Poslanikova supruga Ĥadīdža umire 619. godine nakon ukidanja (žveopćeg) bojkota 619. godine. Nedugo nakon Ĥadīdžine smrti, umire i njegov amidža Ebū Tālib.

50.

Put u Taif i pokušaj traženja pomoći od plemena Sekif // 620. godine

Zbog neprijateljstava i neprijatnosti koje je doživio, Poslanik, a.s., je bio prinuđen otići do Taifa da zatraži pomoć od plemena Sekif i da se njima zaštititi od svoga naroda. Međutim, naišao je na vrlo hladan prijem, a starješine plemena Sekif su izvrgle ruglu njegovu tvrdnju da je Božiji poslanik.

51.

Isrā' i Mi'rādž // 620/21. godine

Isrā' i Mi'rādž predstavljaju dva dijela putovanja koje je Muhammed, a.s., imao u jednoj noći, 26/27. redžeba oko godinu prije Hidžre, 620. ili 621. godine. Muhammed, a.s., je iz harema Ka'be putovao do "Hrama dalekog" - Mesdžidu-l-Aksa u Jerusalemu. U drugom dijelu putovanja Muhammed, a.s., je odveden na putovanje kroz sedam nebesa.

52.

Susreti, sastanci i prisege na 'Akabi // 620., 621. i 622. godine

U toku hadžskih obreda 11., 12. i 13. godine po poslanstvu, nekoliko ljudi koji su došli iz Jesriba u Mekku susreli su se s Muhammedom, s.a.v.s. i primili islam. Riječ je o prvom susretu, te prvog i drugoj prisezi (be'at) na 'Akabi. Poslanik, a.s., u narednom periodu podstiče muslimane da se diskretno sele u Jesrib (hidžra 622. godine).

52.

Hidžra iz Mekke u Jesrib (Medinu) i izgradnja prve džamije // 622. godine

Muslimanske porodice iz Mekke su diskretno izbjegle iz Mekke, preselivši se (hidžra) u Jesrib. Hidžrom započinje muslimanska era, budući da je od tog trenutka Muhammed, a.s., bio u stanju u potpunosti provesti ideje Kur'ana, čime je islam postao važnim povijesnim faktorom. To je bio revolucionaran korak. Jesrib će postati poznat pod imenom El-Medina (Grad) i Grad Jesriba u jmesecu Kuba' izgradnju prve džamije. U dolini Ranuna s ashabima je klanjao prvu džumu i tu je počela gradnja džamije. Potom je krenuo ka središtu grada (Medine) gdje će biti započeta izgradnja Poslanikove, a.s., džamije.

53.

Medinska povelja/Medinski ustav // 622/23. godine

Dokument je donijet od strane Muhammeda, a.s., i to u formi savremenih zakona (podijeljen na poglavlja i članove) uz senzibilan i nediskriminirajući stil pisanja. Medinska povelja je nastala u prvoj organizovanoj muslimanskoj zajednici u Medini (grad-država) i smatra se prvim pisanim državnim ustavom u historiji čovječanstva.

54.

Bitka na Bedru // 624. godine

Bitka na Bedru se dogodila u mjesecu ramzanu, 17. njegovog dana, 2. h. g. (624). Neposredno povoda za bitku bila je mušrička karavana koju je predvodio Ebū Sufjān i koju su muslimani nastojali prestresti na njenom povratku iz Šāma. Veliki dio profita koji su mušrici ostvarivali na tim pohodima investirani su u buduću agresiju na muslimane. Muslimani su u ovoj bici izgubili 14 ratnika (na raspolaganju su imali svega 313, 314 ili 317 boraca), dok su Kurejšije izgubili više od 70, a imali su 1000 vojnika.

55.

Bitka na Uhudu // 625. godine

Nakon poraza koji su pretrpjeli na Bedru, mušrici Mekke su željeli osvetu. U mjesecu ramazanu 625. godine iz Medine ka Medini kreće 3.000 vojnika, a predvode ih Ebū Sufjān i Hālid ibn Velid. Do bitke će doći u mjesecu ševvalu. Iako su muslimani bili nadomak pobjede, uprkos povremenim uzmicanjima i pogibiji nekih ashaba, ključni momenat bio je kada su muslimanski strijelci, postavljeni na brdo, vidjevši povoljan razvoj situacije i skoro pobjedu (s time i ratni plijen), zaboravili naređene položaje. Na strani muslimana bilo je 70 šehida i 70 zarobljenika i ranjenika.

57.

Bitka na Hendeku/Pohod saveznika i opsada Medine // 627. godine

Kurejšije sabiru oko 10.000 vojnika kako bi konačno uništili muslimane. Muslimani su mogli računati na svega 3.000 vojnika. Perzijanac Selman dao je prijedlog, inventivno u vojnoj strategiji ratovanja Arapa tog doba, da se iskopaju rovovi (opkopi) oko grada. Udružena plemena koja su se okupila za borbu su 15 dana opsjedali Medinu, ali im rov (hendek, jarak, iskop) i muslimanski borci nisu dozvolili ulazak u grad. Osim nekoliko manjih incidenata (9 šehida i 4 ubijena mušrika, prema nekim izvorima), do stvarne bitke većih razmjera nije došlo.

58.

Sporazum/Ugovor na Hudejbiji // 628. godine

Kurejšije su odlučili da ne dozvole muslimanima ulazak u Mekku kako bi obavili hadž. Ugovor ili sporazum na Hudejbiji (Prisega vjernosti Ridwān) desio se u mjesecu zu-l-ka'de 6. h.g., odnosno u februaru 628. godine. Poslanik, a.s., će se sa mirovnim sporazumom i ugovorom vratiti u Medinu. Sloboda kretanja koja je garantovana ugovorom omogućila je obostranu trgovinu, a desetogodišnji mir i neutralnost najopasnijeg neprijatelja za muslimane je značila ogroman uspjeh, priznanje, a za mekkanške mušrike skori pad i propast.

60.

Oslobođenje Mekke // 630. godine

Oslobođenje Mekke 20. ramazana 8. god. po Hidžri je jedan od najznačajnijih događaja i ono nema samo vojno-politički, već i moralno-etički i duhovno-vjerski značaj. Oslobođanjem Mekke nisu samo okončane vojne aktivnosti protiv mekkanških idolopoklonika, nego su stvorene pretpostavke za efikasno stvaranje svjetskim velesilama Bizantiji i Perziji.

Oproštajni hadždž i čuveni govor Poslanika, a.s., na 'Arefatu // 632. godine

Desetog dana mjeseca zu-l-hidždžeta desete godine po Hidžri, na Arefatu, Muhammed, s.a.v.s., održao je svoj čuveni govor, a sadržaj njegove poruke je bio moćan i intenzivan. Poslanik, a.s., je počeo izjavom da ne zna da li će ponovo sresti hodočasnike „na ovom mjestu nakon ove godine“, što se moglo razumjeti i kao nagovještaj njegovog skorog preseljenja na Ahiret.

62.

Preseljenje Muhammed, s.a.v.s., na Ahiret // 632. godine

Po dolasku Muhammeda, a.s., iz Mekke u Medinu, nakon Oproštajnog hadža, na njemu su se osjećali prvi znaci slabosti i bolesti. U vrijeme bolesti najveći dio vremena provodio je u sobi(hazreti Aiše, uz džamiju u Medini. Muhammed, s.a.v.s., je preselio na Ahiret u ponedjeljak 12. rebi'u-l-evvela 11. godine po Hidžri (8. juna 632. godine) i ukopan u Medini.